

1768—1774 թթ. ՌՈՒՍ-ԹՈՒՐԿԱԿԱՆ ՊԱՏԵՐԱԶՄՈՒՄ

Վ. Մ. ՄԱՐՏԻՐՈՍՅԱՆ

Թուրքիայի և Ռուսաստանի միջև 1768 թ. սկսված պատերազմում որպես Ռուսաստանի բնական դաշնակիցներ էին հանդես գալիս թուրքական բռնատիրության ներքո հեծող ժողովուրդները։ Իմերեթի թագավոր Սուլումոն II-ը և Քարթլ-Կախեթի թագավոր Հերակլ II-ը անգամ պատրաստ էին զենք բարձրացնելու Թուրքիայի դեմ։ Դրա համար վրաց քաղաքական գործիչներն անհրաժեշտ էին համարում Ռուսաստանից ստանալ ռազմաֆինանսական օգնություն՝ որպես կարևոր նախապայման ինչպես ներքին կենտրոնախույս ուժերը զսպելու, լեզգի ֆեոդալների ասպատակությունները վերացնելու, աֆի-պես էլ Վրաստանից Թուրքիայի դավթած մարզերը ետ վերցնելու համար¹։

Պատերազմելով թուրքերի դեմ, վրացիները և օսմանյան բռնատիրության ներքո հեծող մյուս ժողովուրդները պիտի թշնամու որոշ ուժեր գամեին պատերազմի Կովկասյան ճակատում, և դրանով իսկ պատերազմի գրվալով՝ եվրոպական մասում Թուրքիային ղրկեին մեծ ուժեր կենտրոնացնելու հնարավորությունից: Դա միաժամանակ կնպաստեր Ռուսաստանի առաջ ծառացած խնդիրների լուծմանը: Այսպես ծագեց ռուս-վրացական դաշինքն ընդդեմ Թուրքիայի, և Վրաստանը (Իմերեթի, Քարթլ-Կախեթի թագավորությունները) պատերազմի մեջ մտավ Թուրքիայի դեմ:

Կրտսեր դաշնակիցներին օգնելու և խրախուսելու միտումով ռուսական կառավարությունը որոշեց զորախումբ ուղարկել Վրաստան: 1769 թ. հոկտեմբերի 22-ին Եկատերինա II-ը գեներալ մայոր Կոմս Գուտլիբ-Կուրտ-Նայնրիխ Տոսլեբենին նշանակեց այդ զորախմբի հրամանատար, սակայն Տոսլեբենը չկատարեց իր պարտականությունները և դրանով իսկ խոչընդոտեց ռուս-վրացական զորքերի ռազմական գործողություններից սպասվող դրական արդյունքները:

1769 թ. օգոստոսի 26-ին 600 հոգիանոց ռուսական զորախումբը անցավ Կովկասյան լեռնաշղթան և կանգ առավ Մլխթի գյուղում (Դուշեթի շրջան)։ Ռուսական կառավարությունը դառաջելով Հերակլ II-ի խնդրանքին՝ այս զորախմբի թիվը հասցրեց 3767-ի²։

Ինչպես նկատվել է, ռուսական զորամասերի անցումը Դարյալի կիրճով
և ժամանումը Վրաստան մեծ տպավորություն գործեց տեղի և շրջակա ազ-
դարնակյություն վրա³:

¹ ნ. ბერძენიშვილი, საქართველოს ისტორიის საკითხები, ტ. 2, თბილისი, 1965, გვ. 217.

² Ռուսաստանի արտաքին քաղաքականության արխիվ, ֆոնդ՝ Ռուսաստանի Հարաբերությունները Վրաստանի հետ (այսուհետև՝ ՌԱՔԱ, ֆ. ՌՀՎ) 1768—1771 թթ., գ. 6, ք. 72, տե՛ս նաև Օ. Ս. Մարկովա, *Россия, Закавказье и международные отношения в XVIII веке*, М., 1966, էջ 130.

³ О. П. Маркова, *Истор. зап.*, 52 139.

Տոտլեբենի գլխավորած զորախմբի մի մասը (1200 մարդ) 1770 թ. մարտի 17-ին վրացական զորքի հեռ (7 հազար մարդ և 3 հրանոթ), Հերա-կըլ II-ի հրամանատարությամբ շարժվեց Ախալցխիսի փաշայության դեմ: Ապրիլի կեսերին ռուս-վրացական զորքը պաշարեց Ածգուրի բերդը: Սակայն մարտը դեռ նոր էր սկսվել, երբ Տոտլեբենը իր հրամանատարությանը ենթակա ռուսական զորքով հողարձի ճանապարհը բռնեց: Դա շփոթություն առաջ բերեց վրաց զորքի մեջ, իսկ թշնամին սրտապնդվեց, դուրս եկավ բերդից և հարձակվեց վրաց զորքի վրա, որը, սակայն, անակնկալի չեկավ և ստիպեց նրանց ծանր կորուստներ տալով պատասպարվել բերդում:

Հաջորդ օրը վրաց զորքը շարժվեց դեպի Ասպինձա, հանդիպեց Ախալքա-լաքից եկած 1500 հոգիանոց թուրքական զորախմբին: Տեղի ունեցած ճակատամարտում (1770 թ. ապրիլի 20) թուրքական զորախումբը ջախջախվեց, թողնելով մոտ երեք հարյուր սպանված: Մնացածները կամ Կուր գետում խեղդվեցին, կամ գերի հանձնվեցին: Փրկվեցին մի քանի տասնյակ մարդ:

Սակայն գեներալ Տոտլեբենի ուխտագրուծ վարքագիծն ըստ էության Հե-րակ II-ին խանգարեց օգտվելու այդ հաղթանակից, և ռազմական գործողությունները զարգացնելու փոխարեն, վրաց զորքը հտ քաշվեց դեպի Քարթ-լի: Իրավացի է վրաց պատմաբան Վ. Գ. Մաճարաձեն, գտնելով, որ «Տոտ-լեբենը փաստորեն վիժեցրեց 1770—71 թթ. ռազմական կամպանիան Վրաս-տանի ճակատում, որով Ռուսաստանին ավելի մեծ վնաս հասցրեց, քան 1761 թվականին»⁴:

1768—1774 թթ. ռուս-թուրքական պատերազմը թուրքական լծի տակ հեծող հայերի, ասորիների և եզդիների շրջանում առաջ էր բերել ազատա-բաղձ ձգտումներ: Արխիվային վավերագրերը վկայում են թուրքական լծի դեմ համատեղ պայքարելու այն ցանկության մասին, որով համակվել էին այդ ժողովուրդները հիշյալ պատերազմի տարիներին: 1770 թ. հունվարի 2-ին Հերակ II-ը ռուսական արքունիքին տեղեկացնում է. «օսմանցու տի-րույթում՝ Բայազետից այն կողմը բնակվող ասորի քրիստոնյաները, որոնք մեծաքանակ մի ժողովուրդ են, ինչպես և դրա շրջակայքում բաղում քրիս-տոնյա հայեր կան, որոնք մշտապես մեզ են դիմում, և մենք խոստացել էինք նրանց, եթե աշնանը պայմանավորված չափով զինվոր (ռուսական զորք—Վ. Մ.) գար, կմիանային մեզ և օգուտը մեծ կլինեք»⁵:

Հերակ II-ի հետ դաշնակցելու և թուրքերի դեմ պայքարելու պատ-րաստակամություն է հայտնել նաև Բայազետի շրջակայքում բնակվող եզ-դիների ցեղապետ Չոբան-Օղլին, որը 1770 թ. սեպտեմբերի 23-ին Հերակ II-ին հղած նամակում հավաստում է, որ ստացել է վրաց թագավորի գրա-վոր առաջարկը թուրքերի դեմ համատեղ պայքարելու մասին, որին լրիվ հա-մաձայն է և միայն խնդրում է տալ հուսատու երաշխիք Հերակ II-ի հովա-նավորության ներքո իրենց վերցնելու մասին⁶:

⁴ Գ. Զ. Յաչվաճաճ, ანბნის ბრძოლა, თბილისი, 1957, էջ 113.

⁵ ՌԱՔԱ, ֆ. ՌՀՎ, 1768—1771, դ. 6, թ. 303.

⁶ ՌԱՔԱ, ֆ. ՌՀՎ, 1769—1776, դ. 12, թ. 125—126, նամակի վրա Հերակ II-ը նշել է. «Այս Չոբան-օղլին ազգությամբ եզդի է. սա ոչ քրիստոնյա է, ոչ էլ մահմեդական, կողմնա-կից է առավելապես քրիստոնյաներին, թշնամի՝ մահմեդականներին: Սա ևս կամենում է միա-վորվել մեզ հետ, քանի որ սրանք նույնպես խիստ ճշմունք են մահմեդականներից»: Ասորի-

1770 թ. մայիսի 1-ին Մոսկովում⁷ ռուսական արքունիք հղած զեկուցադրում նկարագրում է այն ջերմ ընդունելությունը, որ ցույց է տվել Ախալ-Բալսքի քրիստոնյա (հավանաբար հայ) ազգաբնակչությունը վրաց զորքին:

1770 թ. ապրիլի «22-ին Հերակլ II-ը ժամանեց Ախալքալաքի մոտակայքը, ուր մագապուրծ թշնամին գիշերով ներխուժելով և մոտ 70 մարդ քրիստոնյաներից կոտորելով, փախել է էրզերում: Ախալքալաքի բնակիչները, զբռնված բոլորը, քրիստոնյաներ են, որոնք վրաց զորքին դիմավորում էին մեծագույն բերկրանքով և աղերսում Հերակլին իրենց էլ վերցնել պաշտպանության ներքո և բոլորին բնակեցնել Վրաստանում, հավաստելով, որ իրենք լի լիճակի են վրաց զորքը պարենավորել մի քանի ամիս շարունակ...»⁸, Սակայն Հերակլ II-ը Տոտլեբենի ստեղծած իրավիճակի պատճառով ոչ միայն չի կարողանում կատարել տեղի ազգաբնակչության խնդրանքը, այլև հարկադրված դադարեցնում է ռազմական գործողությունները և շտապ շարժվում Փարսիլի:

Բերված վավերագիրն ուշագրավ է առաջին հերթին Ախալքալաքի քրիստոնյա ազգաբնակչության՝ վրաց զորքի նկատմամբ ունեցած խանդավառ վերաբերմունքի առումով:

1771 թ. հունվարի 25-ին ռուսական արքունիք հղած իր մի այլ զեկուցադրում վերոհիշյալ Ա. Մոսկովում նշում է. «Բայագեդից այն կողմ գրտնըվող ասորիները, որոնք քրիստոնյա են համարվում, ինչպես և Նրեանում բնակվող հայերը գրում են Հերակլ արքային և հավատացնում, որ երբ վերջինս նրանցից պահանջի գալ, ապա իրենք կգան և քրիստոնյաների թշնամի թուրքերի դեմ իրենց անձը չեն խնայի»⁹:

1768—1774 թթ. ռուս-թուրքական պատերազմի տարիներին թուրք-պարսկական հարստահարիչներից կեղեքվող հայ, ադրբեջանցի, ասորի, եզդի ազգաբնակչությունը ոչ միայն համակրում էր ռուս-վրացական կողմին և պատրաստակամություն հայտնում զինակցելու թուրքերի դեմ մղվող պայքարում, այլև Վրաստանում բնակվող հայերը և ադրբեջանցիները վրաց բանակի կազմում անմիջական մասնակցություն են ունեցել ռազմական գործողություններին: Այս իրողությունը հավաստվում է Հերակլ II-ի ստորագրած վավերագրով, ուր ասված է. «1770 թ. մեր հրամանով զորքը օսմանցու երկիրը կընվելու զնաց երեք անգամ: Առաջին անգամ զորախումբը բաղկացած էր 500 անձից, որոնք մեծ մասամբ թաթարներ (ադրբեջանցիներ —Վ. Մ.) էին, իսկ փոքր մասն էլ՝ վրացիներ: Երկրորդ անգամ զնացին Մանթաշ և Սարուխան անվամբ հայերը 400 անձով, իսկ երրորդ արշավանքը, որին մասնակցում էր 700 մարդ, գլխավորում էին Գեորգի և Ավթանդիլ Մելիքով իշխանները: Այս զորախմբի մեծ մասը բաղկացած էր վրացիներից, որոնց հետ կային

ների, եզդիների և այլոց ազատագրական միտումները, հայերի ու վրացիների հետ միավորվելու ձգտումները ոչ թե անցողիկ մտանություն, այլ քաղաքական կայուն համոզմունք էին: Տե՛ս Վ. Կ. Ոսկանյան, Վ. Մ. Մարտիրոսյան, Նոր վավերագրեր 1720-ական թվականների հայ ազատագրական շարժման վերաբերյալ («Պատմա-բանասիրական հանդես», 1962, № 4, էջ 201):

7 Ա. Մոսկովովը Ռուսաստանի արտաքին գործերի կոլեգիայի ծառայող էր և այդ տարիներին գտնվում էր Իմերեթի թագավոր Սոլոմոն II-ի մոտ:

8 ՌԱՔԱ, ֆ. ՌՀՎ, 1768—1771, գ. 6, ք. 320—321բ:

9 Նույն տեղում, ք. 362բ:

նաև որոշ թվով թաթարներ»¹⁰, Այնուհետև Հերակլ II-ը նկարագրում է Աշոցքի ճակատամարտում վրացիներից, հայերից և ադրբեջանցիներից բաղկացած զորախմբերի տարած հաղթանակը թուրքական զորամասի դեմ: «Մրանց դեմ (վրաց զորաբանակի— Վ. Մ.) Ախալցիխեից զորք ելավ: Մեր երրորդ զորախումբը, որ ուղարկված էր մեր հրամանով Մելիքով իշխաններ Գեորգիի և Ավթանդիլի գլխավորությամբ, հրազենով հանդերձ, թշնամու զորախմբին հանդիպեց վրացերեն Արոցի (Աշոցք— Վ. Մ.), թուրքերեն Ղաիդուլի կոչվող վայրում, որը սահման է Քարթլիի և Ախալցիխեի միջև: Նշված վայրում մարտի բռնվեցին թշնամու հետ և, աստծո ողորմությամբ, անվանի հաղթանակ տարան: Թշնամուց 150 հոգի սպանեցին և 130 էլ գերի վերցրին: Մեր զորքերը այս տարի բազում անգամ թշնամու երկրից գերի և ավար են բերել»¹¹:

Այն ազատագրական ակնկալությունները, որ ունեին թուրք-պարսկական լծի տակ տառապող ժողովուրդները 1768—1774 թթ. ռուս-թուրքական պատերազմի տարիներին չիրականացան, սակայն դրանք նաև հավաստում են, որ այդ ժողովուրդների ազատագրական պայքարի գործիչները ամենևին էլ չէին հիասթափվել և մնում էին այն համոզման, որ, ի վերջո, միմիայն Ռուսաստանի ռազմա-քաղաքական օգնությամբ ու թուրք-պարսկական զավթիչների դեմ ռուսական զենքի հաղթանակն են լինելու իրենց ազատագրության միակ գրավականը:

ОСВОБОДИТЕЛЬНЫЕ УСТРЕМЛЕНИЯ ЗАКАВКАЗСКИХ НАРОДОВ В ГОДЫ РУССКО-ТУРЕЦКОЙ ВОЙНЫ 1768—1774 ГГ.

В. М. МАТИРОСЯН

Р е з ю м е

Вступление Грузии в русско-турецкую войну 1768—1774 гг. в качестве союзницы России, а также появление русского военного корпуса в Грузии придали новую силу освободительным устремлениям армян, ассирийцев и езидов.

Их представители неоднократно обращались к царю Картли-Кахети Ираклию II с просьбой оказать им помощь в борьбе против турецких угнетателей, всегда подчеркивая при этом готовность к совместной вооруженной борьбе против общего врага, залогом успеха в этой борьбе считая военно-политическую поддержку России. Многие факты свидетельствуют также об участии в военных действиях против турок живущих в Грузии армян и азербайджанцев в составе грузинского войска. Следует особо отметить битву под Ашоцком, где грузинское войско под командованием известных князей Георгия и Автандила Меликовых наголову разбило крупный турецкий военный отряд.

Несмотря на то, что освободительные устремления закавказских народов тогда не были осуществлены, эти народы продолжали связывать свои освободительные чаяния и стремления с военно-политическими успехами России.

¹⁰ Նույն տեղում, թ. 256:

¹¹ Նույն տեղում: